

郵政特准掛號認爲新聞紙類

中華民國五年五月十二號

湖南巡按使署政報處發行官書報局印

545

湖南政報

本月九日十日停版二日

天
地
人
三
才
一
道

一
二
三
四
五
六
七
八
九
十

十
九
八
七
六
五
四
三
二
一

湖南政報目錄

電令

策令京齊青電

內務

速按使沈金鑑呈長沙壽婦黃張氏捐助教育慈善事業巨款懇照特例襄揚文並

批令

外交

交涉署飭各知事保護日人佃正四郎等游歷由

交涉署飭各知事保護日人小池二郎等德國女教士王德全等游歷由

司法

兼巡按使湯批高審廳詳遵批覆核臨武縣盜犯黃祖濟請核示由

高等檢察廳飭各知事常德地檢廳嗣後沅陵以上各縣應解回人犯暫發往他縣寄監一案由

高等審判廳通告二則

教育

兼巡按使湯飭四道尹各知事遵照前飭迅解第一第二兩年教育公報費由

兼巡按使湯批衡山縣詳縣立高小校六七合班生舉行畢業由

兼巡按使湯批汝城縣詳資第一第二第三高小校學生畢業成績表由

兼巡按使湯批郴縣詳資女子高小校學生一覽表請予畢業由

兼巡按使湯批甯立甲種工校詳本科暨附設工校四年來第一學期教員攷勤簿及缺勤總表由

兼巡按使批常德魏象書等稟張補請補糧款官紳一氣懇飭查究由

兼巡按使批衡陽道詳第二聯合甲種工校職教員學生一覽表請核示畢業期限由
兼巡按使批溆浦縣詳縣屬鎮立高小校學生武鏡源等畢業由

實業

兼巡按使批新化知事據楊篤武稟楊次伯督毆毀砂斃命反噬懇飭查辦由

兼巡按使批李毓麟稟臨武香花嶺與官鑛分處界址轉轉一案案延日久懇飭接頂由
勸輸種說

廣告

電令

申令
京電

現在責任政府應設國務院爲國務總彙之所所有民國現行法令稱政事堂者均應改稱國務院以重國務而明責任此令

秦武將軍督理山東軍務靳雲鵬呈請增設濟南鎮守使員缺應照准此令

策令
京電

熊正琦給予三等嘉禾章此令

陳德勝給予五等文虎章此令

鄭士琦加陸軍中將銜此令

任命馬良兼任濟南鎮守使此令

任命楊壽樞爲參政院參政此令

任命陸恩長爲長沙關監督此令

任命柴維桐署吉林省長道道尹此令

督理黑龍江軍務兼巡按使朱慶瀾電呈警務處處長兼省會警察廳廳長王順存因病懇請

辭職王順存准免本職此令

財政部呈請將署秘書張之綱叙列四等應照准此令

交通部呈請將秘書柴壽宸叙列五等應照准此令

陸軍部呈請將張福來崔魁文孫長安均授爲陸軍步兵中校並加陸軍步兵上校銜闔心廣姜永安姚廷臣喬得標雖振清冷萬均授爲陸軍步兵中校楊朝蕪張伍民董樹屏孫清山孟祖輿牛起順李振東楊開泰郭敬臣周仲平馬汝松王玉腴田慶祥時全勝靳敬忠張廣瑞唐正遵均授爲陸軍步兵少校並加陸軍步兵中校銜李瑤阿授爲陸軍礮兵少校並加陸軍礮兵中校銜賀德昌田恩光禹錫平童瀾國王邦平劉月亭張廷耀馮志祺吳文凱張華宿杜際雲楊柴光劉順奎劉炳勳古樂族宋凱黃國楨李樹藩錢秉鈺孟廣任均授爲陸軍步兵少校彭文標孔繁羲均授爲陸軍礮兵少校尹榮甲授爲陸軍二等軍醫正趙宗緒授爲陸軍三等軍醫正應照准此令

陸軍部呈請將周維琦授爲陸軍步兵中校並加陸軍步兵上校銜黎炳王脩漢均授爲陸軍步兵少校蕭育傑授爲陸軍三等軍需正應照准此令

陸軍部呈請將安啓剛授爲陸軍步兵中校並加陸軍步兵上校銜毛連崑授爲陸軍步兵中校應照准此令

陸軍部呈請將張元明授爲陸軍步兵中校應照准此令

陸軍部呈請將張俊峯授爲陸軍步兵少校並加陸軍步兵中校銜應照准此令

陸軍部呈請任命陸榮壽爲山西陸軍第一營營長王纘緒爲第二營營長應照准此令

陸軍部呈請揀派營長員缺應准以顧培慄充任陸軍第十師步兵第四十團第三營營長此令

陸軍部呈請揀派團附員缺應准以劉陞充任黑龍江陸軍第一師步兵第三團少校團附此

令

右五月八日電

策令

京電

黃鵠舉給予二等文虎章此令

鄭士琦給予二等文虎章孫宗先給予三等文虎章張作賓給予四等文虎章此令

圖爾洛色楞額林沁均給予五等文虎章此令

任命王運孚代理參政院秘書長此令

黃鵠舉加陸軍中將銜王麗中授爲陸軍少將此令

胡國棟張青林授爲陸軍少將此令

任命李景林爲鎮安右將軍行署參謀長此令

陸軍部呈請將王秉璋加陸軍步兵上校銜龔叢授爲陸軍步兵中校並加陸軍步兵上校銜田秉鈞授爲陸軍步兵少校並加陸軍步兵中校銜應照准此令

陸軍部呈請將龔廣益授爲陸軍步兵中校應照准此令

陸軍部呈請將葉先華授爲陸軍步兵中校應照准此令

陸軍部呈請將趙紹雲授爲陸軍騎兵少校應照准此令

陸軍部呈請將鄭迺勳授爲陸軍步兵少校應照准此令

陸軍部呈請將朱宗口唐義承均加陸軍步兵少校銜黃毓英加陸軍礮兵少校銜蕭常德郝

忠泰均加陸軍工兵少校銜馮光宗加陸軍輜重兵少校銜應照准此令

陸軍部呈准鑲紅旗漢軍都統奎芳咨請以存鑑升補參領景和升補副參領鮑國安楊桂榮

升補印務章京馮振華升補公中佐領應照准此令

陸軍部呈准察哈爾都統張懷芝咨請以諾爾布綽克札勒補參領車凌坡勒哲依補公中佐

領應照准此令

右五月九日電

本報係照京電號碼譯登間或電碼有誤關係甚大應俟政府公報寄到隨時查對更正

內務

湖南巡按使沈金鑑呈長沙壽婦黃張氏捐助教育慈善事業巨款懇照特例褒揚文並

批令

爲長沙壽婦黃張氏以巨款捐助教育慈善事業懇照特例褒揚恭呈仰祈 鈞鑒事竊

查長沙縣公民黃式廓之母壽婦黃張氏現年八十歲係出名門素嫻大義民國三年長沙水災捐助義賑銀一千圓經前巡按使劉心源咨部彙案呈請褒揚業蒙 大總統給予匾額

及銀質褒章該壽婦現又以地方教育慈善諸事業經濟困難阻礙進行捐出私財銀一萬兩分助私立明德學校二千兩私立修業學校一千兩私立崇實學校四百兩私立育英學校四百兩私立自治女學校二百兩私立培德學校二百兩私立衡粹學校二百兩長沙縣教育會四百兩長沙縣立各小學校一千兩青年會通俗夜學二百兩肺癆醫院一千兩積善小補堂二千兩郵無告堂一千兩據湖南省城慈善事業總公所開單詳報前來雖未請邀獎勵但湘省頻年水災目前復值兵燹民生彫敝達於極點培養元氣則教育慈善諸端均關重要際此公家財政奇絀市面金融停滯之時該壽婦獨能好義急公如此此如出之明達士紳亦屬難能可貴自應按例請褒用昭激勸伏查褒揚條例第一條內開有左例行誼之一者得受本條例之褒揚第六款創興公益事業或捐助財產千圓以上爲公益事業者又同條例施行細則

第六條內開褒揚條例第一條第六款所稱公益事業如辦理教育公衆衛生慈善諸事業與夫建設學校病院修築道路橋梁及其他爲公衆利益之事業又第九條內開依褒揚條例第五條按據事狀分爲通例與特別二項特例請給匾額金章通例請給匾額銀章各等因該壽婦業因捐助水災義賑蒙給匾額銀章此次捐款數目核與條例規定之額已達十倍合無仰懇 恩施准照特例給予金質褒章以資表揚所有壽婦黃張氏慨捐巨款請予特褒緣由理合恭呈具陳伏乞 大總統鈞鑒訓示謹 呈

政事堂奉

批令准如所擬特予褒揚交內務部查照此令

政事
堂印

國務卿徐世昌

中華民國五年四月二十一日

外交

湖南交涉員署飭

為通飭事案准 湖北交涉署咨開日本國人(佃正四郎)(太田鎭衛)(美濃部泰一)(中村武夫)請照赴湖南(註明只以長沙岳州兩處為限)等省游歷又准駐湘日本領事函開日本人(吉野彌作)請照赴湖南等省游歷均請飭屬保護等因到署准此除詳請 巡按使飭屬保護外合亟通飭各縣知事遵照一體照約保護並將入境出境日期及在境情狀詳紀具報毋稍大意切切此飭

外交部特派湖南交涉員劉道仁

右飭各縣知事 准此

長岳兩關
監督兼特
派交步員

中華民國五年五月五日

湖南交涉員署飭

為通飭事案准 江蘇交涉署咨開准駐寧日領事函送本國人(小池一郎)又准 湖北交涉署咨開准駐漢日本國總領事咨送本國人(香取晏)(鈴木格三郎)又駐漢德領事函送本國人(侯柏)又准駐湘德領事函開本國女教士(王德全)(施信義)(杜學書)(任學文)(施

希柏)教士(藍言森)夫婦三孩教士(甘振鐸)(鮑擇中)(鄒埋格)等均請照赴湖南等省游歷請飭屬保護等因到署准此除詳請 巡按使通飭保護外合亟通飭各縣知事遵照一體照約保護并將入境出境日期及在境情狀詳紀具報毋稍大意切切此飭

外交部特派湖南交涉員劉道仁

右飭各縣知事

准此

長岳兩關
監督兼特
派交涉員

中華民國五年五月十日

司法

兼巡按使湯批

批高審廳詳遵批覆核臨武縣盜犯黃祖濟請核示由

詳摺及意見書均悉案犯黃祖濟事實調查既未明確仰即轉飭臨武縣知事依法覆審以昭慎重并轉飭并緊嚴緝案內逸匪李二古等務獲提回環質俾成信讞而杜狡避一面迅將被擄婦女設法取出毋任再延切切此繳供摺意見書均存

湖南高等檢察廳飭

爲飭知事案據長沙縣知事楊啓勳詳准各前途轉准沅陵縣咨沅陵以上地方現正用兵道路阻滯遞解人犯諸多不便詞後如有應解由敝縣前解人犯希暫停止等因擬請飭知各屬凡沅陵以下各縣人犯仍照常遞解其沅陵以上各縣之犯或暫于東南北各縣指定地點鈔發案由暫時解往寄監一俟西南平靖再行按籍遞回庶寄監不致有擁擠之虞而沅陵各縣亦無積壓之弊是否有當請查核批示分飭遵辦等情到廳據此查來詳所陳各節均係現在實情自不能不暫時變通辦理惟人犯寄監須擇獄囚較少而其道里又與西南各縣距離不遠且無待乎紆迴繞折之處目前既不致於擁擠即將來事定按籍解回亦不致有費周章方爲兩便茲經本廳調齊各屬監獄報告詳加考核查沅陵以上各縣人犯由省發回首站爲寧

鄉次爲益陽再次爲漢壽常德桃源等縣均係必由之道其旁路則有湘陰沅江安鄉澧縣石門慈利大庸等七縣亦皆節節可通此數縣人犯雖增減時有不同而就近數月中冊報人數而言尙不爲多且各縣監獄均經整理亦與舊時狹隘情形迥然不同既據該知事詳報前情應自本月爲始遇有沅陵以上各縣自省解回之犯卽以上開各縣爲地點由本廳隨時指定鈔錄原案函知長沙縣暫時解往寄監並行知各犯原籍地方官查照一俟西路平靖再行按籍遞回以示變通而資便利但此項人犯專指已決之徒形犯而言其執行日期仍從確定之日起算至已決之死刑犯應暫寄留省監聽候回報俾昭慎重若係發回再審或必須解往審理者刻由本廳隨時查察情形再行分別酌量核辦除批答暨分行外合行飭知飭到該廳卽便遵照辦理此飭

高檢廳檢察長凌士鈞

右飭各縣知事

常德地檢廳

准此

湖南高等檢察廳之印

中華民國五年五月九日

湖南高等審判廳民庭公開審理案件日時通告

本廳民庭五月十一日午后一時至四時公開審理案件如左

一桂東黃應朝與黃柏朝因田產糾葛不服桂東縣公署第一審判決聲明控告一案（公開審理）

一湘鄉江鶴亭與江胡氏因親子認知糾葛不服湘鄉縣公署第一審判決聲明控告一案

（公開審理）

一長沙胡壽榮與李克瑜因款項糾葛不服長沙地審廳第一審判決聲明控告一案（公開審理）

一長沙范義勝與蕭庭脩因會款糾葛不服長沙地審廳第一審判決聲明控告一案（公開審理）

湖南高等審判廳民庭書面審理案件日時通告

本廳民庭五月十一日書面審理案件如左

一黃戴氏與黃熊氏因承繼糾葛不服常德地方審判廳第一審判決聲明控告一案（宣告判決）

一李棟棟與楊曉堂因人事訴訟糾葛不服長沙地方審判廳第一審判決聲明控告一案（宣

告判決

一顏岩浦與羅大燮因湖地經界糾葛不服常德地方審判廳第二審判決續請上告一案(宣告判決)

一曹子軒與陳樹森因沙洲糾葛不服長沙地方審判廳第二審判決聲請上告一案(宣告判決)

高等審判廳刑庭公開及書面審判案件日時通告

本廳刑庭五月十日午後一時公開審判案件如左

一控訴人米昌洪對於永順縣知事公署就該控訴人傷害之所為第一審判決不服控訴一

案(公開審理)

一控訴人楊繼昌對於湘陰縣知事公署就湛小春竊盜之所為第一審判決不服控訴一案

(宣告判決)

教育

湖南巡按使公署飭

爲飭知事案據本署教育科案呈准教育部教育公報經理處函開查本報第一二二年度寄價辦法前經本部疊次分別催繳在案現在第三年度公報業已發行二期而各處遵章解繳報價者仍屬寥寥事關公款未便久懸用特函達貴科乞速轉陳省長先將所屬第二一年報價查照原案辦法彙齊滙部俾資挹注至此此外欠繳第一一年報價各屬亦希依據本部本年第八九號通告再行飭催等情據此查教育公報一年報價尙有湘江道等三道瀏陽縣等五十八縣未經照解二年報費除武岡一縣業經貴署轉寄外餘均未據費送到署前准 部咨業經沈前使飭催照激在案據稱各情除由科函復外合行飭仰該_{道尹}即便遵照前飭迅將第一第二兩年報費分別逕解費署轉滙毋再遲延切切此飭

靖武將軍兼巡按使湯薌銘

右飭四道尹 准此

各知事

湖南巡按使印

中華民國五年五月九日

兼巡按使湯批

批衡山縣詳縣立高小學校六七合班生舉行畢業由

詳表均悉查該校第三年級學生袁麟生等六十三名均於民國二年八月入校扣至本年七月底止寔滿修業期限據稱各門課程屆期均可撥完自應准予舉行畢業試驗惟查尹毓芝一名原冊係尹毓之應飭查明於詳報畢業分數表時詳細聲敘至蕭志榜尹憲之二名去年年考既未與試原報名冊亦未列名據稱本期開學時曾經補行試驗究竟是否程度相符仍應詳加考核毋任冒濫仰該知事屆期遴派委員督同該校職教員認真試驗可也此繳表存批汝城縣詳督第一第二第三高小校學生畢業成績表由

詳表均悉該縣第二第三兩高等小學校學生修業期限既經屆滿畢業分數均能及格各生姓名亦與原報一覽表相符應准一律畢業惟第一高等小學校第六班學生應扣至本年四月方屆修業期滿唐前知事提前於去年十二月舉行畢業試驗該校表內畢業年月仍填五年四月殊屬敷衍已極其學生學業程度亦概可想見仰該知事傳諭申斥並飭該校校長迅速招集該班學生補習一學期再行詳候核示已發證書併應追還俟考試畢業後另給具領以符定章而免冒濫切切此繳第二第三校表存第一校表發還

批郴縣詳費女子高小校學生一覽表請予畢業由

詳表均悉查高等小學校招考學生及原有學生均應按照法定表式造具學生一覽表費署備案業經沈前使通飭遵照辦理在案該校學生黃傳鳳等未據詳費一覽表到署遽行詳請畢業殊屬不合惟查該生等自民國二年八月入校扣至本年七月底止實已修業期滿未便以數年之成績令其廢棄姑准照章舉行畢業試驗仰該知事屆期遴派妥員督同該校職教員認真攷試以昭慎重此繳表存

批省立甲種工校詳費本科暨附設乙種工校四年度第一學期教員考勤簿及缺勤總表
由

據詳費該校本科暨附設乙種工校四年度第一學期教員考勤簿及缺勤總表查各教員缺勤時數雖屬無多但各門功課預計均有定程稍有曠誤屆畢業時即不免遷就仰傳諭各教員嗣後非有不得已事故總以勿缺勤爲要此繳表簿存

批常德魏象書等稟張栢藉學握款官紳一氣懇飭查究由

稟悉查此案經沈前使批仰該縣知事查明核辦詳復候奪在案爲時未久該民等輒以官紳狼狽等情希圖聳聽實屬刁狡已極仰即回縣靜候傳訊毋庸妄瀆此批

批衡陽道詳費第二聯合甲種工校職教員學生一覽表請預咨請核示畢業期限由

詳表均悉前據該道尹轉賣該工校職教員學生一覽表請查核轉咨等情到署當經沈前使核批該校本科學生自元年八月入校扣至本年七月修業期滿如無須展期肄習應於此時趕將該班學生第一二兩學年各科分數詳列一覽表連同現時授課鐘點表費請核咨等因在案茲查所費表冊該項歷年成績分數表暨授課時數表仍付缺如殊屬不合仰迅轉飭該校仍遵前批將應造表冊速行繕具齊全費請核咨勿延此繳表姑存

批瀘浦縣詳縣屬鎮立高等小學生武鏡源等修業期滿轉請准予畢業由

詳悉該校丙班學生武鏡源等八名既係民國二年秋季始業扣至本年暑假修業期滿各門科學既已授完應准照章舉行畢業考試仰該知事屆期派員督同該校職教員分科試驗以昭慎重此繳

實業

兼巡按使湯批

批發新化縣知事據該縣楊篤武稟楊次伯督毆毀抄斃命反噬懇飭查辦由

稟悉查接管卷內此案前據該縣知事督錫業公會先後電稟到署業經沈前使飭由財政廳派知事王佑前往會縣訊辦在案據稟此次肇禍係因富民石工與公益廠經理楊次伯之僕互相口角楊遂督衆持械洗抄富民石廠毆傷司事石工該民負傷逃走楊復開槍追擊致斃旁觀之振華公司工人二名重傷數人等語如果非虛殊屬不法已極仰新化縣知事會委查明實情拘案訊辦毋稍延縱仍將訊辦情形具復察奪此批副稟發

批李毓麟稟臨武香花嶺與官鑛分處界址轉轆一案案延日久懇飭接頂由

稟悉查該公司與臨武官鑛分處互控一案前據廳道委員會縣勘訊詳復擬將該公司泰順隆劃歸官辦該分處名理名利兩隱聽由該公司備價承頂業經陶前署使核准分行財政廳暨前官鑛經理處遵照在案茲據稱業由前官鑛處委員陳肅赴縣會同前知事汪榮勘劃地界繪圖貼說分別辦理具復等語核與前印委勘准原案尙屬相符惟未准督辦官鑛署將此次委員勘劃情形咨復過署究竟雙方鑛界如何劃分該公司承頂名利名理兩鑛出備若干價款無從查悉仰候咨行官鑛署查明原案迅予解決以清糾葛而免拖延此批

勸輪種說

金陵大學農林科教員鄒應麟著

輪種者晚近農學專家所倡導以爲費少穫多其利又溥法之最上者也吾國爰田代田之制實其先河漢志有之歲耕種者爲不易上田休一歲者爲一易中田休二歲者爲再易下田三歲更耕之自爰其處故曰爰田趙過爲搜粟都尉作代田一畝三畝歲代處故曰代田一地之上所種植物歲不同類每間數歲乃與更始是則今之所謂輪種者也爰田代田成休其地所廢質多輪種既無斯弊而其利固倍蓰於爰田若伐田也請舉其最彰著者言之

土壤者羣質所整成而植物之所仰給以爲食料者也植物所需之食料及入土之深淺種各不同若一種植物久存於一地歲歲以之則其取於土壤必有所偏而食料易竭是以輪種之法行則此弊可祛此輪種之利一也

同種植物久生於一地之上不僅其取於土者有所偏也其地恒有毒質發生能使此植物繁育長成之力日就減削顧不能敷虐於他種是以一經易種則於前此爲害之毒質於今爲無害此輪種之利二也

深耕穡種立苗欲墾耕田之常經也疏則日之所灼風之所吹土壤中所含窒素化合物遂漸至消散而土失其肥補救之策惟於禾稼之後繼以紅花種紅花所以益土肥也此輪種之利三也

土壤之結構凝散得中始稱良美植物之生於其地有使其土壤過凝者亦有使其土壤過散者二者間歲而種使其土壤之結構得宜此輪種之利四也

害蟲病菌其所蠶食寄生之植物恆有一定種類而不可易是以爲患於甲者往往不能爲患於乙植物種異所患愈不相同若一種植物久生於一地同種蟲菌得以長養繁育歲歲無間益以滋盛易以他種植物則爲前之患者既失滋藉爲今之患者罔暇發展此輪種之利五也穢穡之種類不同培養遂有勞逸之分吾農若分其田疇爲數區甲區種易培養之植物乙區種難培養之植物來歲互易其地以甲爲乙則事半功倍此輪種之利六也

今三吳之地歲恒兩熟始麥繼禾此輪種之一法也雖然此法就一歲言之則爲輪種間歲言之則不得謂之爲輪種也麥與禾不同時而生蟲菌之爲其患者亦不同時而生今歲麥禾既登所患蟲菌則或蟄伏或留子以至來歲若麥禾仍生憑藉依然爲患亦歲歲無已時其他各地輪種之法或有或無其有之也類多不識不知順其先則妄謬之舉勢所難免吾今將輪種之利約略表而出之願吾農之從事於輪種以冀豐收也

輪種之順序因天時地利而不同天時有一熟兩熟之分地利有燥濕之別兩熟之區其輪種之順序可如左表

地之燥濕		年之燥濕	
[甲]地之最燥者		初熟	次熟
[乙]燥濕適中者		初熟	次熟
[丙]最濕者		初熟	次熟
第一年	紅花或蠶豆	棉	麥
第二年	玉蜀黍	麥	禾
第三年	油菜	玉蜀黍	蕎麥
第四年	如第一年	如第一年	如第一年

若夫一熟之區則玉蜀黍黃豆及本棉或高糧花生及芝蔴均可間歲而種者也

右所舉列不過一二三隅之反是在吾農輪種之順序必有所準則非可任意為之其準則有三一曰植物形狀之愈不相似者愈相銜接而愈相似者愈相間遠二曰輪種每一周必種豈類一次蓋豈類能取空氣中之窒素而合之為窒素化合物是以豈莖豈根者紅花亦豆類肥田之最美品也三曰一農所有之田可分為數區難種易種互相參差則用力少而收穫多之三者輪種之順序所由定者也氣候土宜雖因地不同之三者固無往而不同吾農其審誌諸